


蓬窓目錄



詩談二

漢書門			
二	一	三	九
冊	架	函	號

庫文閣内			
三〇七函	二八〇九	冊	架
二	八	冊	架

内閣文庫	
番號	漢 2809
冊數	8 (8)
函號	307 250



Kodak Gray Scale
A 1 2 3 4 5 6 M 8 9 10 11 12 13 14 15 B 17 18 19




蓬窓日錄卷之八

閩陳全之粹仲甫

詩談二

淺草文庫

康節先生自題安樂窩詩八章○物如善得終為美事
 到巧圖安有公不作風波於世上自無冰炭到胃
 中災殃秋葉霜前墜富貴春花雨後紅造化分明
 人莫會花榮消得幾何功○安樂窩中三月期老
 來總會惜芳菲自知一賞有分付誰讓萬金無了
 遺美酒飲教微醉後好花看到半開時這般意思
 難名狀只恐人間都未知○安樂窩中快和人閑
 來四物幸相親一編詩逸收花月一部書嚴敬鬼
 神一炷香清冲宇泰一樽酒美湛天真太平日慶



何多也唯願君王壽萬春○安樂窩中事事無惟
存一卷伏羲書倦時就枕不必睡忻後携筇任所
趨準備點茶收露水隄防合藥種魚蘇苟非先聖
開蒙吝幾作人間淺丈夫○安樂窩中春夢迴畧
無塵事可裝懷輕風一霎坐中過釣樂數聲天外
來日影轉時從杖屨花陰交處傍樽壘人間未若
吾鄉好又况吾鄉多美才○安樂窩中春夢時閉
門慵坐客來稀瀟瀟微雨竹間霽嘒嘒翠禽花上
飛好景盡將詩紀錄歡情湏用酒維持自餘身外
無窮事皆可掉頭稱不知○安樂窩中甚不貧中
間有榻可容身儒風一變至於道和氣四時長若

春日月作明明主日人言成信信由人唯人與日
不相遠過此何嘗更與真○富弼詩○先生自衛
客西畿樂道安閑絕世機再命初筵終不起獨看
窮巷寂无依貫穿百代常探古嗟咏千篇亦造微
珍重相知忽相訪醉和風雨夜深歸○程顥詩○
打乖非是要安身道大方能混世塵陋巷一生顏
氏樂清風千古伯夷貧客求妙墨多携卷天為詩
豪剩借春儘把笑談覩俗子德容猶是畏鄉人○
呂希哲詩○先生不是閑閑人高趣逍遙混世塵
得志湏為天下雨放懷聊占洛陽春家無甌石賓
常滿論極錙銖意始新任便終身卧安樂一毫何

費養天真○司馬光詩○靈臺無事日休休安樂
由來不外求細雨寒風宜獨坐暖天佳景記閒遊
松篁亦足開青眼菘李何妨插白頭我以著書為
職業為君偷假上高樓○王拱辰詩○安樂窩中
名隱君腹藏經笥富多聞一壘水竹為生計三徑
琴觴混世紛婉畫舊嘗辭幕府少微今已應星文
了心便是棲真地何必烟霞卧白雲○朱晦菴題
康節先生贊○天挺人豪英邁蓋世駕風鞭霆歷
覽無際手探月窟足躡天根閑中今古靜裏乾坤
○劉賡詩○高名安樂一籩廬百丈雲頭訪故居
萬古千秋示諸掌先生經世有遺書○副使胡謫

詩○中州擅靈秀毓此諸鉅儒兩程師友間巍然
我堯夫學術兼理數弄丸力恒餘飄飄長空雲吾
心同卷舒茫茫鴻鈞化吾道同盈虛才大不屑試
歛焉退若愚睠茲天津側誅茅結為廬豕鹿伴我
遊木石鄰我居興來發高吟擊壤聊自娛憑誰問
且荅有樵還有漁觀物漫成篇經世賭著書冥搜
極萬類天地窮終初猗嗟垂訓功乃與經籍俱累
朝示崇報廟庭列聖徒曷繫邦人思專祠當里閭
遺像儼如生精英懇何徂唯應伊洛水千古通泗
洙○洛人畢亨遊安樂窩詩○安樂窩中邵子居
風花雪月四時儲盆池窺破千年事甕牖疏通萬

卷書春暖秋涼恣玩賞東遊西泛話樵漁弄丸餘
暇天津畔滿洛人家望小車○知府陳宣詩○堯
夫終日坐熙熙試問乾坤有了期一圍太極兩儀
外濂溪到此亦無辭

敖陶孫器之評詩曰魏武帝如幽燕老將氣韻沉雄曹
子建如三河少年風流自賞鮑明遠如飢鷹獨出
竒矯無前謝康樂如東海揚帆風日流麗陶彭澤
如絳雲在霄舒卷自如王右丞如秋水芙蓉倚風
自笑帝蘇州如園客獨爾暗合音徽孟浩然如洞
庭始波木葉微落杜牧之如銅丸走坂駿馬注波
白樂天如山東父老課農桑事事言言皆着實元

微之如李龜年說天寶遺事貌悴而神不傷劉夢
得如鏤冰雕瓊流光自照李太白如劉安鷄犬遺
響白雲覈其歸存恍無定處韓退之如囊沙背水
惟韓信獨能李長吉如武帝食露盤無補多欲孟
東野如埋泉斷劍卧壑寒松張籍如優工行鄉飲
醅獻秩如時有詼氣柳子厚如高秋獨眺霽晚孤
吹李義山如百寶流蘇千絲鐵網綺密瓌妍要非
適用宋朝蘇東坡如屈注天潢倒連滄海變眩百
怪終歸雄渾歐公如四瑚八璉正可施之宗廟荆
公如鄧艾縋兵入蜀要以險絕為功山谷如陶弘
景入官析理談玄而松風之夢故在梅聖俞如閔

河放溜瞬息無聲秦少游如時女步春終傷婉弱
后山如九臯獨啖深林孤芳冲寂自妍不求識賞
韓子蒼如梨園按樂排比得倫呂君仁如散聖安
禪自能竒逸其他作者未易殫陳獨唐杜工部如
周公制作後世莫能擬議

胡子原學嘗與予論詩曰人有恒言曰唐以詩取士故
詩盛今代以經義選舉故詩衰此論非也詩之盛
衰係於人之才與學不因上之選取也漢以射策
取士而蘇李之詩班馬之賦出焉此豈係於上乎
屈原之騷爭光日月楚豈以騷取人耶况唐人所
取五言八韻之律今所傳省題詩多不工今傳世

者非省題詩也姑以畫論晉有顧凱之唐有吳道
玄唐未嘗以畫取士也至宋則馬遠夏珪不足爲
顧吳之衙官近代吳小仙林良又不足爲馬夏之
奴僕畫既有之詩亦宜然謂之時代可也余深服
其言

唐子元薦與予書論本朝之詩洪武初高季迪袁可潛
一變元風首開大雅卓乎冠矣二公而下又有林
子羽劉子高孫炎孫善黃玄之楊孟載輩羽翼之
近日好高論者曰沿習元體其失也瞽又曰國初
無詩其失也聒一代之文曷可誣哉永樂之末至
成化之初則微乎黼矣弘治間文明中天古學煥

日藝苑則李懷麓張滄洲爲赤幟而和之者多失
於流易山林則陳白沙莊定山稱白眉而識者皆
以爲傍門至李何二子一出變而學杜壯乎偉矣
然正變雲擾而剽襲雷同比興漸微而風騷稍遠
唐子應德箴其偏焉嘉靖初稍稍厭棄更爲六朝
之調初唐之體蔚乎盛矣而纖艷不逞闡緩無當
作非神解傳同耳食陳子約之議其後焉張子愈
光渙之詩人也以二子之論爲的故著之

老子明道若昧夷道若類進道若退上德若谷大白若
辱廣德若不足建德若偷質直若渝大方無隅大
器晚成大音希聲大象無形文皆用韻三句一易

李斯泰山刻文其祖此乎

張三丰遼東懿州人張仲安第五子名君實字全一一
字玄玄別號保和容忍三丰子遊揚州瓊花觀題
瓊花詩一律云瑤枝玉樹屬仙家未識人間有此
花清致不沾凡雨露高標猶帶古煙霞歷年旣久
何曾老舉世無雙莫謾誇便欲載回天上去擬從
博望借靈槎詩語瀟灑實自况也

張子容詩海氣朝成雨江天晚作霞李嘉祐詩朝霞晴
作雨濕氣晚生寒二詩語極相似然盛唐中唐分
焉試辨之

深山一室枕殘書落葉門前未掃除客至幸逢餅粟滿

地偏况對逕花疎道情靜夜談能似人事頻年力
不如此去春風知幾地相傳惟俟暮江魚少年多
少結交行向晚誰憐弟與兄桐水風煙經幾歲雲
津燈火共三更亡羊自悔曾多事聽蟻從今欲息
爭君得臯比休撤早舊來安定有諸生

日日桐臯思對君不堪風雨阻論文欲因來使遙相問
可似心如水與雲

道是人心雲水如舊來茅塞苦難除試看一卷中庸義
古聖能忘戒懼無

石蓮洞裏自藏春又嘆匡床少一人欲慰寸心憑井紙
爲言立雪是誰頻此羅念菴詩也可謂見道之言

非遊戲墨翰者比矣

唐詩二庭歸望斷萬里客心愁二庭者沙鉢羅可汗建
庭於雖合水謂之南庭吐陸建牙於鏃曷山謂之
北庭二庭以伊列水爲界所謂南单于北单于也
近注唐音云二庭未詳何以注爲

元遺山北嶽詩東州死愛華不注向在陋邦何足數敬
亭不着謝宣城斷崖何緣比天姥言山水在通都
易得名也元洪震淳安東泉詩通都大邑人爭馳
一泉一石小亦竒雲深路絕無人處縱有佳山誰
得知言山水在僻人不知也二詩意絕相類亦名
言也

宗忠簡澤石刻華陰道二絕云烟遮晃白初疑雪日映
班斲却是花馬渡急流行小嶼柳絲如織映人家
又云管茅作屋幾家居雲碓風帘路不紆坡側杏
花溪畔柳分明摩詰朝川圖岳武穆湖南僧寺詩
有潭水寒生月松風夜帶秋雖唐名家不過如此
二公忠節戰功冠于南宋當戎馬倥偬之時尚琢
句如此真文武全才也余又見他集有岳武穆遊
金山寺詩云第一泉頭過九日黃花猶侍客重來
男兒有意扶中國不斬樓蘭不易回此岳集中不
載則古人詩句所遺尚多讀之何等悲壯

陳子昂送客詩云故人洞庭去楊柳春風生相送河洲

晚蒼茫別思盈白蘋已堪把綠芷復含榮江南多
桂樹歸客贈生平今本作平生非也

曹子達棄婦篇云石榴植前庭綠葉搖縹青丹華灼烈
烈璀璨彩有光榮光好擘流離可以處淑靈有鳥飛
來集拊翼以悲鳴

夫何爲丹華實不成拊
心長嘆息無子當歸寧有子月經天無子若流星
天月相終始流星沒無精栖遲失所宜下與瓦石
并憂懷從中來歎息通鷄鳴返側不能寐逍遙於
前庭踟躕還入房肅肅帷幕聲塞帷更攝帶撫弦
彈鳴箏慷慨有餘音要奴悲且清收淚長嘆息何
以負神靈招搖待霜露何必春夏成晚獲爲良實

通鑑目錄卷之二
願君且安寧此詩郭茂倩樂府不載近刻子建集亦遺焉幸玉臺新詠有之錄出

謝臯羽詩晞髮集詩皆精緻奇峭有唐人風未可例於宋視之也予尤愛其鴻門讌一篇天雲屬地汗流宇杯影龍蛇分漢楚楚人起舞本爲楚中有楚人爲漢舞鵲鷓淬光雌不語楚國孤臣泣俘虜君看楚舞如楚何楚舞未終聞楚歌此詩雖使李賀復生亦當心服李賀集中亦有鴻門讌一篇不及此遠甚可謂青出於藍矣元楊廉夫樂府力追李賀亦有此篇愈不及臯羽矣其他如短歌行秦淮沒日如沒鷓白波搖空溼弦月舟人倚棹商聲發洞

庭脫木如脫髮建業水云太白入月魚腦城武昌城頭鼓統統海上曲云水花生雲起如葑神龍下宿藕絲孔明河篇云牽牛夜入明河道淚滴相思作秋草嫠女城頭玩月華星君冢上無啼鳥俠客吳歌云潮動西風吹牡荊離歌入夜斗西傾攸飛廟下蛇含草青拭吳鉤入匣鳴效孟郊體云牽牛秋正中海白夜疑曙野風吹空巢波濤在孤樹律詩如驛花殘楚水烽火到交州夜氣浮秋井陰花冷碧田山鬼下茅屋野雞啼苧蘿戍近風鳴柝江空雨送船隣逋燈下索鄉夢戍邊回柴關當太白藥氣近樵青暗光珠母徙秋影石花消下方聞夕

磬南斗掛秋河雖未足望開元天寶之蕭牆而可
以據長寶慶曆之上座矣集多臯羽手抄濕字多
作溼蓋从古字溼之省史子堅隸格載漢碑有此
字觀者弗識或改爲沔非

莊定山早有詩名詩集刻於生前淺學者相與効其大
極圈兒大先生帽子高以爲奇絕又有絕可笑者
如贈我一壺陶靖節還他兩首邵堯夫本不是佳
語有滑稽者改外官荅京宦苞苴詩云贈我兩包
陳福建還他一疋好南京聞者捧腹然定山晚年
詩入細有可並唐人者古詩如題竹及養菴兩篇
七言如題玉川畫五言律如野暝微孤樹江清著

數鷗與君真自厚不是兩相留七言律如遊琅琊
寺偶上蓬萊第一峯道人今夜宿芙蓉塵埋下界
三千丈月在西巖七十峯羅漢寺云溪聲夢醒偏
隨枕山色樓高不碍牆又如狂騷短髮孤鴻外病
臥高樓細雨中病眼如殘書漢楚燈前壘草閣江
上霧裡詩舟中云千家小聚村村暝萬里河流岸
岸同又秋燈小榻番狐艇踈雨寒城打二更又北
海風回帆腹飽長河霜冷岸痕高和沈仲律原字
韻云心無牛口干秦穆跡繼龍頭愧邴原又云藜
羨莫道無萊婦蘭畹應誰負屈原寄劉東山云塵
外有人占紫氣鏡中疑我尚朱顏次東嶠韻云電

懸雙眼疑秋水髻擁三花御野風又豈無湖水并
神漢更有溪毛當紫芝書東山草堂扁云封題雲
臥東山扁歌詠司空表聖詩天闕星辰遺舊履橘
洲歲月有殘碁石橫流潦潛蚪角梅迸垂蘿屈鍊
枝自笑野人閑袖手雲烟濃淡忽交馳次首云沙
苑草非騏驥秣蕭湘竹是鳳凰枝紫虛有約千回
醉笑指僧跌亦坐馳又招隱誰甘同寂寞著書不
獨爲窮愁木昌道中云行客自知無歲暮賓鴻不
記有家歸寄鄧五羊云後時自許甘丘壑前席將
無問鬼神浮世虛名非得已出山小草却悲人別
時笑語風吹斷會處迷離夢寫真四十餘年一回

首乾旋坤轉有冬春此數首若隱其姓名以示人
觀者决不謂定山作也

魏鄭公徵出闕詩云中原還逐鹿投筆事戎軒縱橫計
不就慷慨志猶存策杖謁天子驅馬出闕門請纓
羈南越憑軾下東蕃鬱紆陟高岫出没望平原古
木鳴寒鳥空山啼夜猿旣傷千里目遠驚九折魂
豈不憚艱險深懷國士恩季布無二諾侯嬴重一
言人生感意氣功名誰復論東坡謂鄭公實學縱
橫之術其所以與蘇張異者心正尔

予既得禹碑刻作禹碑歌其辭曰神禹碑在岫嶽尖祝
融之峯凌朱炎龍書傍分結構古螺書匾刻戈鋒

銘萬八千丈不可上僊扁鬼閉幽以潛昌黎南遷
曾一過紛披芙蓉寒水簾天柱夜瞰星辰下雪堂
朝見陽輝遲追尋夏載赤石峻封埋古刻蒼苔黏
拳科倒薤形已近鸞漂鳳泊辭何纖墨本流傳世
應罕青字名狀人空瞻永叔明誠兩好事集古金
石窮該蕪眡列箴銘暨款識橫陳駢騁和金鬻胡
爲至寶反棄置摺磨蟻損烏蟾又聞朱張遊岳
麓霽雪天風影佩澹搜竒索秘跡欲偏春侶撞和
詩無厭七日崎嶇信有覲一字膏馥寧忘拈非關
喘噪阻登陟定是藤葛籠窺峴好古予生嗟太晚
拜嘉君貺情深忭老眼增明若發覆尺喙禁斷如

施箝七十七字挈螭虎三千餘歲叢蛇蚪憶昔乾
坤漏息壤蕩折莖庶依苓樛帝嗟懷襄咨文命卿
佐澤洞分憂憺洲并渚混沒營窟鳥迹獸迹交門
簷竭來南雲又北夢直罄西被仍東漸黃熊三足
變鮫服白狐九尾歌龐神後乘包湖按玉牒前列
溫洛呈疇臚永奔窳舞那辭牴平成天地猶垂謙
華岳泰衡抵鎮定鬱塞昏徙逃喁噉文章絢爛懸
日月風雷呵護環屏黔君不見周原石鼓半已泐
秦湫詛楚全皆殲此碑雖存豈易得障有嵐靄峯
堪巖梵音迥絕柱藜藿吊影颯瑟森櫛柎湘娥遺
珮冷班竹山鬼結旗零翠斂造物精英忌泄露祗

遠志曰金言詩卷之二
恐羽化難留淹欲摹拓本鏤岩壁要使好事傳緇
縑著書重訂琳琅譜裝帖新耀瓊瑤載麝煤輕翰
蟬翅揭煩君再寄西飛鷁

兵部尚書陳洽參贊成山侯王通討交趾黎利每有方
畧通皆不從戰而大敗通走洽持戈直前大罵曰
我朝廷大臣豈偷生耶衆皆潰自刎死焉事聞謚
節愍劉忠愍公球輓公詩曰風塵暗邊隅道路中
阻絕明明大司馬雄略邁時傑豈無戰伐謀爲國
殲克孽主將倥且驕忠憤無由竭遂使倔强虜侈
然肆饕譎炎荒地陸沉壯士体分裂肯偷須臾生
以隳大臣節旣結季路纓猶奮杲卿舌萬里陷孤

城蒼茫夜流血精氣貫日星不逐浮雲滅不惟節
愍公之事彰而忠愍剛大之志可槩見矣予又聞
忠愍之死于獄中也馬順以酒沃其屍蠅蚋群聚
之至肉盡猶嗾獐狗磔其肉嗟乎真壯士体分裂
也卒之已已之變王振馬順族滅身灰而公二子
鉄鉞號哭求屍得一臂而歸葬忠魂萬古不磨嗚
呼直言受禍如此之慘是豈所忍聞哉

漁溪集和費令遊山詩云是處塵勞皆可惜時清終未
忍辭官此乃由衷之語有道者之言所以不可及
也今之人口爲懷山之言惟行媚竈之計唐僧白
雲秀云住山人少說山多杜牧云盡道青山歸去

好青山能有幾人歸比之林下何曾見一人之句
殊有含蓄

古樂府詩尺素如殘雪結成雙鯉魚要知心裏事看取
腹中書據此詩古人尺素結爲鯉魚形即緘也客
從遠方來遺我雙鯉魚即此事也下文云烹魚得
書壁况言之耳非真烹也

江之滸凡舟可上下曰步嶺南村市爲墟水津爲步唐
臺城故妓詩云那堪回首處江步野棠飛東坡詩
蕭然三家步橫此萬斛舟

韓世忠以元樞就第絕口不言兵杜門謝却酬酢時乘
小騾放浪西湖泉石間一日至香林園蘇仲虎尚

書方宴客王徑造之賓主歡甚盡醉而歸明日王
餉以羊羔且手書二辭以遺之臨江仙云冬日青
山瀟灑靜春來山暖花濃少年衰老與花同世間
名利客富貴與貧窮 榮華不是長生樂清閑不
是死門風勸君識取主人翁單方只一味盡在不
言中南鄉子云人有幾多般富貴榮華總是閒自
古英雄都是夢爲官寶玉妻兒宿業纏少年事已
衰殘鬢髮蒼蒼骨髓乾不道山林多好處貪懼只
恐癡迷誤了賢王生長兵間未嘗知書晚歲忽若
有悟能作字及小辭皆有見趣信乎非常之才也

趙汝愚題鼓山寺云幾年奔走厭塵埃此日登臨亦決

道卷之二十一
廿四
哉江月不隨流水去天風常送海濤來朱晦翁摘
詩中天風海濤字題扁人不知其爲趙公詩也嚴
次山有水龍吟題於壁云飈車飛上蓬萊不須更
跨琴高鯉割然長嘯天風傾洞雲濤無際我欲乘
桴從茲浮海約任翁起辦缸竿千夫轄鈎五十親
點對連鰲餌誰榜佳名空翠紫陽仙去騎箕尾
銀鈎鉄畫龍翻鳳翥留人間世更憶東山一曲霑
襟浹到而今幸有高亭遺愛寓甘棠意此辭前段
言江山景後段紫陽仙去指朱文公東山甘棠指
趙公也趙詩朱字嚴辭可謂三絕

靖康之難侍郎李若水被拘囚衣帶中詩曰胡馬南來

久不歸山河殘破一身危功名誤我等雲過歲月
驚人和雪飛每事恐貽千載笑此身甘與衆人違
私情惟有君親重血淚紛紛染客衣後祁門王一
元謁公祠有詩云寫罷豐碑欲莫芻黃風四起暗
平蕪罵胡指日声猶在抱帝呼天泣未枯三鎮輕
蠲貽國辱一河不守致公俘忠魂耿耿無由瞑千
載令人憾莫須

嘗有問於虞先生集曰楊仲弘載詩如何先生曰仲弘
詩如百戰健兒范德機攄詩如何曰德機如唐臨
晉帖揭曼碩俛斯詩如何曰曼碩詩如美女簪花
先生詩如何笑曰虞集乃漢廷老吏盖先生未免

自負公論以為然

李白詩出自樂府古選

東坡不喜韓退之畫記謂之甲乙帳簿此老千古卓識不隨人觀場者也

仙家稱鍾離先生者唐人鍾離權也與呂岳同時韓澗泉選唐詩絕句卷末有鍾離一首可證也近世俗人稱漢鍾離蓋因杜子美元日詩有近聞帝氏妹遠在漢鍾離流傳之誤遂傳會以鍾離權為漢將鍾離昧矣可發一笑也說神仙者大率多欺世誑愚如世傳沁園春及解紅二辭為呂洞賓作按沁園春辭宋駙馬王晉卿初製此腔解紅兒則五代

和凝歌童凝為製解紅一曲初止五句見陳氏樂書後乃衍為解紅兒慢豈有呂洞賓在唐預知其腔而填為此曲乎元俞琰又注沁園春琰雖博學亦惑于長生之說而隨俗爾耳也琰子仲溫序其父陰符經云先君七十而逝由此言之琰之篤意養生壽止于此世有村夫目不識參同契一字而年踰百歲又何必勞心於不可知之術哉達人君子可以意悟

方紫虛云七言律詩晚唐人無之凡學詩五言律可晚唐如七言律不可不老杜也

陳子昂才高於沈佺期宋之間惟杜審言可相對雖以

感遇詩名世其實尤工律

語曰蘇李居前沈宋比肩然學古詩必本蘇武李陵學律詩必本子昂審言輩老杜之詩所自出恃其才高氣勁耳

唐詩李杜之外孟浩然王摩詰足稱大家王詩豐縟而不華靡孟却專心古澹而悠遠深厚自無寒儉枯瘠之病由此言之則孟為尤勝諸光羲有孟之古而深遠不及岑參有王之縟而又以華靡掩之故杜子美稱吾憐孟浩然稱高人王右丞而不及儲岑有以也夫

詩有五聲全備者少惟得宮聲者為最優蓋可以兼眾聲也李太白杜子美之詩為宮聲退之之詩為角以此例之百家可知也

或曰老杜如何可學曰自賈島幽微入而參以岑參之壯王維之潔沈佺期宋之問之整

馬東田晚渡咸陽野色微茫接渭川白鷗飛盡水如天僧投紅葉林間寺人喚斜陽渡口船表裏山河猶往日變遷朝市已多年漁翁勘破興亡事獨坐秋風釣石邊

貢友初送戴伯貞還廣西桂江烟水接瀟湘逐客南歸道路長卷裡謾多新製作篋中猶是舊衣裳逢人盡說官如水老我相看鬢已霜此去莫交音間斷

鴈飛今喜過衡陽

一身為客如張儉四海何人是孔融野寺鶯花春對酒

河橋風雨夜推蓬

縣古槐根出官清馬骨高

元杜宗元春曉詩云小園泥滑久妨行破曉東風始放

晴九十日春將解印兩三盃酒自尋盟花依綠竹

如年少人對青山俱老成俗客不來清意足一吟

聊復暢幽情憶昔云憶昔功名健自期何曾皺着

世情肩每艱難事只輕看到老成年方得知借屋

暫尋人靜處愛山多在晚晴時剩收破紙羊毫筆

定自閑中更有詩全學放翁

施州陳濬字士哲受業石崖黃溥之門其樂隱詩云莫

笑山翁老一瓢閑來無事不囂囂坐看蘿月籠和

壁卧聽松風鼓舜韶竹几穩如居士座鷓冠煖勝

侍中貂山深况復人來少盡日何曾一折腰絕句

云草有幽蘭木有松孤亭更有白雲封莫言只與

紅塵隔更隔青山幾萬重五代王周戲題巫山壁

畫施州一百八盤山西陵直上踰盤盤平地凌雲

勢萬端堪笑巴民無厭足更嫌山少畫山看

周明帝貽敬遠詩曰六爻貞遯出三辰光少微穎陽讓

逾遠滄州去不歸香動秋蘭佩風飄蓮葉衣坐石

窺仙洞乘槎下釣磯嶺松千仞直巖泉百丈飛聊

登平樂觀遙望首陽薇詎能同四隱來叅余萬機
林季仲少卿贈虞仲琳詩云男兒何苦弊群書學到根
原物物無曾子當年多一唯顏淵終日只如愚水
流萬折心無競月落千山影自孤執手沙頭休話
別與君元不隔江湖林所學未爲人知而詩亦有
味雖然理學要在識取不爾又墮野狐禪窟也

柯敬仲題墨竹曰莫將畫竹論難易剛道繁難簡亦難
君看蕭蕭祗數葉滿堂風雨不勝寒

齊顧歡字景怡一字玄平有言志詩曰五塗無恒宅三
清有恒舍精氣因天行游魂隨物化鷓鴣適大海
鷓鴣之桑柘達生任去留善死均日夜委命安所

乘何方不可駕翹心企前覺融然從此謝

滄州強勉訥乃強都憲先生之孫亦聰俊人也任遼東
苑馬主簿有人以白扇乞詩即信筆題云媿乏瓊
瑤可贈人遠將紈扇寄慙慙清風明月憑君賞素
質輕羅好自珍莫待秋來忘却夏須知冬後又回
春錦函願取年年有見扇如同見面親亦有意可
誦

睽離已是十年強對鏡那堪理舊粧聞鴈幾回脩尺素
見霜先爲製衣裳開箱疊練先垂淚拂杵調砧更
斷腸綉作龜文獻天子願教行客早回鄉此太原
孟縣侯氏因夫張睽戍邊未歸綉迴文詩也

何穉丘公題寧武關土棚堡詩北出長城小徑斜崇墉
數仞渺平沙蕭蕭麥隴邊民業寂寂柴扉戍卒家
石澗幽泉晨飲鹿營門殘柳晝啼鴉夕陽暫向郵
亭宿笳鼓聲沉士不譁

邊軍勞苦各邊軍士從戰身荷鎖甲戰裙遮臂等具共
重四十五斤鐵腦蓋重七斤頓頂護心鐵脇重五
斤弓撒箭袋重十斤腰刀三斤半蒺藜骨朶重三
斤箭筒一斤通計八十八斤半余聞之征人因偶
成一篇用志邊軍勞苦云從軍莫從口外軍身挾
戟具八十斤頭盔腦包重得之頓頂掩遮以五倫
唯甲所被四十五腰刀骨朶二四均精工精鐵始

合度日夜磨淬光勝銀二五弓箭及其服隨身衣
裳八乃足佩多身重難負荷還頂上馬看輕速銀
包酒袋煙烘麪得飲馬溺喉且沃將軍令嚴隨鼓
進誓與羯胡爭一鏃此時顧功不顧身刀痕箭瘢
無好肉歸來性命萬死餘便使封侯未堪贖江南
一體行伍人美食好衣何苦辛將錢買貨事遊蕩
有眼不曾經戰塵聽談邊軍却不信亦莫感愧

朝廷恩

劉改之辭新來塞北傳到真消息赤地居民無一粒更
五單于爭立維師尚父鷹揚熊羆百萬堂堂看取
黃金假鉞歸來異姓真王又云堂上謀臣樽俎邊

頭將士干戈天時地利與人和燕可伐與曰可今日樓臺鼎鼐明年帶礪山河大家齊唱大風歌不日四方來賀世傳辛幼安壽韓侂胄辭也又一首小陶韻聲多俚談不錄近讀謝疊山文論李氏繫年錄朝野襟記之非謂乾道間幼安以金有必亡之勢願召大臣預修邊備爲倉卒應變之計此憂國遠猷也今摘數語而曰贊開邊借劉過小辭曰此幼安作也忠魂得無冤乎故今特爲拈出

王邁字實之號臞菴莆陽人丁丑第四人及第劉後村贈之辭云天壤王郎數人物方今第一談笑裡風霆驚坐雲煙生筆落落元龍湖海氣琅琅董相天

人策其重之如此余又見翰苑新書劉後村與王實之四六啓云聲名早著不數黃香之無雙科目小低猶壓杜牧之第五元化孕此五百年之間氣同輩立于九萬里之下風又云朱雲折檻諸公慙請劍之言陽子哭庭千載壯裂麻之語一葉身輕何去之勇六丁力盡而挽不回有謫仙人駿馬名姬之風無杜少陵冷炙殘杯之態麗人歌陶秀實郵亭之曲好事繪韓熙載夜宴之圖擁通德而著書命便了以沽酒云云觀此實之蓋進則忠鯁退則豪俠元龍太白一流人也可以補史氏之遺

蘇軾政祐題鴈門詩關城樓閣澹陰森積雪層冰春已

深東望音書如隔歲南侵戎馬欲沾襟代王城上
雲初散李牧祠前風不禁自笑六年成底事重來
華髮不勝簪

泉源水竇入春分鳥語花香遲客聞戍鼓寒沉秦塞月
夕烽晴結漢關雲年來近野多戎壘時過回陽幾
鴈群險絕頗憐今昔地無令惟說李將軍

韓信嶺有韓苑洛先生踏莎行高嶺連雲寒烟帶雨長
楊滿路悲風起將軍墓上草蕭蕭荒祠白日眠狐
鼠九里山前未央宮裏淒涼往事煩宵臆烏江汾
水兩悠悠東沉不盡英雄淚且云欲吊淮陰而原
忠之詩甚婉乃製小詞淮陰欲吊思遲遲已有原

忠壁上詩黃鶴樓前無李白西風惆悵寫新詞有
楊受堂御史詩云將軍傳首日高帝擊豨年天下
誰爲定英雄不自全固知兒女詐豈識赤松賢古
廟重經處傷心狗彘篇廟中題詠甚多或咎侯不
能如赤松或謂侯不當假王以啓疑或云侯遲疑
以招禍殊不知天下已定勇畧振主高帝蓋無一
日能忘情於侯侯不至于身首異處不已也嗚呼
侯之心則如青天白日云近日名公如斛山楊爵
詩遙憶當年拒蒯生將軍心事自分明可憐宇宙
無窮恨盡在中宵悲樹杪秋齋周宣云虎闢龍爭
日搶攘英雄堪羨亦堪傷項亡畢竟無他志齊破

何疑作假王自是龍顏似烏喙幾曾烏畫必弓藏
荒岩一点凄凉月夜夜移光到寢堂

孟有涯先生詩云殿宇深開古樹林祠門高扁漢淮陰
涼風入幕吹遺像白日臨簷照壯心澗水千秋何
所恨鳴蟬六月有余音扁舟却羨鷓夷子萬里烟
波不可尋

怒氣號聲送海門州人傳自子胥魂天排雲陣千家孔
地擁銀山萬馬奔勢與月輪齊朔望信如壺漏報
晨昏吳亡越霸成何事一唱漁歌過遠村米元章
咏朝詩書既道勁詩亦雄壯所謂邁往凌雲之氣
蓋可見矣

張旭春草帖云春草青青萬里餘邊城落日動寒壑情
知海上三年別不寄雲中一鴈書集所不載

一池荷葉衣無盡數畝松花食有餘剛被世人知住處
又移茆屋入深居此唐人詩也余見黃叔明畫此
詩意并篆此詩畫上隱者蕙潔之風宛然可掬恨
不載見臨之耳

衡山文先生徵明有病起遣懷二律蓋不就寧藩之徵
而作也詞婉而峻足以拒之於千里之外詩云潦
倒儒宮二十年業緣仍在利名間敢言冀北無良
馬深愧淮南賦小山病起秋風吹白髮雨中黃葉
暗松關不嫌窮巷頻回轍消受爐香一味閒

經時卧病斷經過自撥閒愁對酒歌意外紛紜知
命在古來賢達患名多千金逸驥空求骨萬里冥
鴻肯受羅心事悠悠那復識白頭辛苦服儒科後
寧藩敗凡應辟者崎嶇萬狀公獨晏然始知公不
可及也

越僧索畫於沈石田先生詩云寄將一幅剡溪藤江面
青山盡幾層筆到斷崖泉落處石邊添箇看雲僧
石田欣然畫其詩意僧亦高人也

家住夕陽江上村一灣流水逸柴門種來松樹高於屋
借與春禽養子孫此葉唐夫先生詩也何等幽雅
青山無處避征徭十載書囊到處挑欲買釣船湖上隱

近來魚課又難饒釣翁本置榮辱於度外今則反
爲多事之人又云任是青山最深處也應無計避
征徭山翁本逃世避地者今則又爲催科之苦逸
隱士亦足粧點太平故孫一元太白詩云道人占
斷南屏景十里青山帶郭斜對水柴門通鶴渚隔
隣烟火是漁家岳頭老檜占風雨石上昌陽閱歲
華粧點太平還着我棕鞵桐帽送生涯無復漁課
征徭之云耳

多買莊田笑汝痴解頭糧長後邊隨看他耕種幾年去
交付兒孫賣與誰此乃乞食道人書壁之詩雖爲
俚言可與知者論之

姚江王伯安守仁太宗伯華之主器弘治己未會試第
二人初授刑部主事後改兵部博學有文好奇古
慕神仙正德丁卯劉瑾操弄國柄放棄大臣鋤滅
言跽百僚掩口聽命伯安上疏言之矯旨出位妄
言謫貶貴州龍場驛驛丞未行寓杭州勝果寺一
夕夢使者持書二緘付伯安啓之一書滄浪之水
清兮可以濯我纓伍員名一書水上覆一舟後題
屈平止二字既覺越三日晝見二軍校至有旨賜
汝溺不可緩窘迫之伯安懇告校曰少間須臾留
詩于世以俟命絕乃以紙展几上題一律至海濱
遺履於岬詩云學道無成歲月虛天乎致此意何

此乃入水不溺
火不燒之奇蹟
載華則愚也

如身曾許國生無補死不忘親痛有餘自信孤忠
懸日月豈知遺骨葬江魚百年臣子悲何極日夜
潮聲泣子胥更有告終詞一篇不及錄書罷為二
校面縛挾至江邊投之伯安初入水即得覆舟負
之不能沉漂凡七晝夜所見皆如夢中伯安驚慌
莫知所之舟偶及岸見一老人率四卒來云汝何
致此狼狽吾當為汝解縛登岸伯安拜謝因問老
人曰此當何處老人曰福建界也伯安告曰願公
護某至彼老人曰此去福建尚遠不能猝達當送
君往廣信乃命四卒共往舁之去如飛不半日已
抵廣信矣老人復在彼率詣僧寺僧聞其名延款

甚恭伯安問僧曰老人在何處請耒同坐又謂僧曰我餒甚乞飯少許且囑先飯四卒僧覓之皆不見詢僧自岸至此為程絕何僧云千里曰自辰及午迅速若是信為神祐也食罷僧達郡邑皆館穀之即移文浙省差人迎候恍惚若夢寐中人謂伯安志慕神仙故墮此福地也伯安今轉遷為大鴻臚云一又云詩畢即赴水俄二童子擁腋而行足如履空耳傍直聞風濤澎湃吏至一洞口簾捲珊瑚二叟處其中騶從女樂及左右所置明珠白壁平生未之覩也與二叟奕大棋聯句浹旬而別其二童子復引登陸時瑾已服上刑矣陽明始起

擢仕至巡撫贛州討逆濠功封新建伯而終又云王水部伯安正德間言事謫閩中過溪覆舟幾厄時有漁人泛溪中拯之上山方徘徊間適遇一道者自稱舊識邀至中和堂主人處盤桓數日主人乃僊翁也臨行作詩送之云十五年前始識荆此耒消息最先聞君將性命輕毫髮誰把綱常重一分寰海已知誇令德皇天終不喪斯文武夷山下經行處好對清樽醉夕曛

吳文定公原博詩格尚渾厚琢句沉着用事果切無漫然朝風弄月之語其雪後入朝詩云天門晴雪映朝冠步澁頻扶白玉闌為語後人須把滑正憂高

處不勝寒。餓鳥隔竹餐。應盡馴象當庭踏。又殘。莫
向都人誇瑞兆。近郊或恐有袁安。其愛君憂國感
時念物之情。藹然可掬。至如古人隨車縞素。灞橋
驢背。自是閒話頭。

涪陵有張飛書刁斗其銘文字甚工。飛所書也。張士環
詩云。天下英雄只豫州。阿瞞不共戴天仇。山河割
據三分國。宇宙威名丈八矛。江上祠堂嚴劍珮。人
間刁斗見銀鈎。空餘諸葛秦州表。左袒何人復為
劉。

于少保謹送唐克已分教天長詩云。餞別都門日未針。
青尊綠酒對黃華。琴書簫散聊為客。冠蓋從容又
過家。驛路搖鞭催去馬。講堂鳴鼓散棲鴉。到官好
寄平安字。莫道長淮入望賒。又題膽瓶梅贈別云。
花帶玄霜迥出塵。膽瓶斜插更精神。別來無限相
思意。聊贈江南第一春意。遠情真惜不見其全集
也。

高明甫詩云。世人不愛竹。只爲時花能奪目。籬邊桃臉
紅似霞。陌上梨花白於玉。偶因一夜風雨多。紅霞
散盡玉消磨。却來此軒看此竹。行看坐看不足
余。官都門涉世見桃臉。梨花似霞於玉真。霞散玉
消安得如此君。而與之行看坐看哉。

有省祭官云。碌碌庸庸立世間。朝來直到睡時閑。誰知

夢裏猶辛苦千里家山一夜還宦途勤苦如此方是進德則夫逸樂終身非人之福也

倭人能詩多有佳句有絕句云棄子拋妻到大唐將軍

何事苦相妨通津橋上團圓月天地無私一樣光

盖倭人入貢則艤舟定海之通津橋而妨閑之法

頗嚴故其詩云然

姑蘇唐子畏寅嘗過閩寧德宿旅邸館人懸畫菊子畏

泐然有感題絕句云黃花無主為誰容冷落踈籬

曲徑中儘把金錢買脂粉一生顏色付西風

夔州張飛廟詩甚多當塗楊觀一首人頗傳誦其詩曰

磴道縈紆僅步趨飛泉落檻碎瓊珠萬崖樓殿真

香火千古英雄此丈夫山勢西迴終護漢江聲東

去尚吞吳營星不殞將軍在未必中原不可圖此

詩後四句有思致他作不及也

杭州徐童子霖五六載精於書法柯學士潛贈詩云徐

家之子真奇絕風骨自與凡人別神駒矯矯步天

衢雛鳳翩翩出丹穴前身可是張文舒不然年纔

五六那能書當筵握筆不停手驚風颯颯蛟龍走

掃盡鸞箋三百張鐵畫銀鈎大如斗君不見東隣

老翁生一子癡絕無才事紈綺從來紙筆不相親

見此奇才應愧死

浮梁判簿華亭侯廷言綸官邸設二屏各書數語足資

警惕其左曰員者被人譏方者被人忌不方與不
員何以成其器至員莫如天至方莫如地天地之
大也人猶有所議况我踈鄙流竊祿尸其位人或
譏我員我員思以智人或忌我方我方思以義醒
者彼自醒醉者彼自醉俯尔規矩中靈臺了無二
其又曰物之香者莫如蘭物之清者莫如竹蘭香
香於天下草竹清清於天下木彼踈果何物雜於
蘭竹中小人之惡固可惡君子之德尚有容君不
見仲尼尚遭陽虎怒孟軻曾被臧倉惡誰知造化
本無私善惡難逃消長數

成都華陽陳處士愛成化間隱居以義自守文學宏傳

官非賢不與接有臬使兩書召見輒逃不應臬使
怒使人拘至將譴之處士從容以詩投曰折簡殷
勤累見尋布衣寧敢謁朝簪明公有道持身正賤
子無知感德深栢府風霜尊偉望柴門山水遂閑
心雲泥兩地無勞顧魚戀深淵鳥戀林臬使乃改
禮遣之

建昌張兩山方伯恩歸自嶺南與樂平朱肅川太尹文
選聯舟倡和過清灣兩山吟云輕篙短棹下清灣
一抹嵐光四座環水底有天天映水山前多樹樹
連山忘機野鳥高應下卧煖沙鷗去復還却笑烟
波江上客越南江北路間關朱和云浩歌一曲下

溪灣仰嘆流光似轉環。縱我酒豪拚歲月。逼人詩
債爲江山。懶飛鳧鳥天邊去。却架仙槎海上還。歸
到故園深絕處。草堂長借白雲關。兩山嘆服初兩
山嘗寓白沙驛聞

武廟北巡作詩曰。龍馭奔胡戰膽寒。男兒此去負衣冠。
半生大馬心無補。幾夜風波夢未安。愁極黃沙千
里外。望窮紅日五雲端。網常一束無人任。都說中

原宇宙寬

張總戎戒子詩云。銀燈剔盡自咨嗟。富貴榮花有幾家。
紅日難消頭上雪。黃金都是眼前花。時來言語風
行草。運去田園水搏沙。寄與兒曹須勉力。各人尋

箇活生涯

鄱陽丘草堂先生霽幼隸遼東戎籍。年十三題詩戎廳。
御史見之。驚問。遂入學。弱冠登進士官刑部。極有
聲。擢黃州知府。改蘇州。歸老於鄱。自號草堂歸客。
長於詩。宮保戴恭簡公珮輓公詩云。棫樸菁莪

聖化寬人才如此。古今難文章。政事良民牧。鸞鳳鷹鷂
老法官。吳楚有春歸。脚早家山無主。斷雲寒。不堪
鄉舊晨星淡。愁絕西風淚幾彈。

進賢舒梓溪大魁芬及第未幾。即以言出爲福建提舉。
吟詩云。金榜題名墨未乾。寸心耿耿向長安。

九重殿闕金門鎖。萬里江山赤子寒。午夜人爭搖狗尾。

一封誰肯犯 龍顏鳳凰臺上歸宜早不作盲聾

啞官

中丞湘川羅公鑒退居柳坪之上鑿池架亭名曰頤樂日處其間爲詩云亭中樂事與誰傳朱紫身閑更大年明月泛遊蘇軾後北窓高卧伏羲前林泉茹飲貧無辱花木栽培靜有權一室蕭然無俗慮却疑身世是壺天又自爲記曰雨暘時若五谷登而百室寧可樂也一有水旱之災饑饉相仍民不聊生雖欲優游於此亭得乎民康而富四境晏然可樂也一有盜賊之發則軍旅興焉供億頻焉財力耗而禍亂生雖欲優游於此亭得乎白髮赭顏步履康健眠食無恙可樂也一有災疢之侵精力衰而登陟難求一室之安不可得雖欲優游於此亭得乎昔溫公以獨樂名其園康節以安樂名其窩予非不知所嚮慕以名吾亭而必爲此者意誠有在也

閩寧德少保林莊敏公聰初爲給事中以言謫國子學正嘗坐率性堂有書懷詩曰東風吹雪弄餘寒棧樸歌來興未闌

聖世誰云輕冷職菲材元不稱言官蠹芸香煖圖書靜
爐篆煙消午漏殘自笑此身宜懶散敝冠塵土不

須彈

吳文正公訥爲御史時巡按貴州回三司遣人齎黃金百兩追送夔府公不啓就題其上還之詩曰蕭蕭行李向東還。要過前途最險灘。若有贓私并土物。任他沉在碧波間。廉而不激如此。

都元敬自幼讀書講解必至究竟好與老儒先生游累試不就泊如也作文與揚君謙祝希哲齊名年始三十其紀志諸書積藁已至數十卷或聞事閑古今之奇恠者必汲汲訪其地求其人得其詳乃歸不得則數日忘返其好古至此最喜濟人之急尤愛食客所有輒盡盡則解衣爲質故屢空焉一歲除夕絕糧作詩寄故人朱堯民曰歲云暮矣室蕭

然牢落生涯只舊氈君肯太倉分一半免教人笑
竈無煙堯民儲錢千文爲新歲之用遂分半贈之
亦好義之士也

劉廷美貪憲薄于仕宦惟愛作詩尤精書畫景泰天順間爲吳中詩人之最京師號爲劉八句年五十歲遂解組成化初邢公宥爲郡守以梅花求題賦絕句曰歲寒相見在天涯。玉色珠光帶露華。笑殺玄都狂道士。種花何不種梅花。邢得之喜

蕪湖胡灌字仲光舉弘治癸丑進士改庶吉士內閣試上苑聞鳩詩曰春日晴和欲醉人。耳邊忽送一聲新。似將明主三推意。喚起良農四海春。花鳥有情

金言言卷之三
憐好景。雨暘無補愧微臣。聽餘忽起江南思。百畝
沙田野水濱。內閣以雨暘句爲譏已遂出爲戶部

主事

狀江南鮑防詩云江南孟春天荇葉大如錢白雪裝梅
杖青袍似葑田謝良輔云江南仲春天細雨浥如
煙絲爲文昌柳布作石門泉嚴雅云江南季春天
萋葉細如弦池邊草作徑湖上葉如船賈渾云江
南孟夏天慈竹笋如編蜃氣爲樓閣蛙聲作管絃
樊珣云江南仲夏天時雨下如川盧橘垂金彈甘
蕉吐白蓮范汀云江南季夏天身熱汗如泉蚊蚋
成雷震袈裟作水田鄭槩云江南孟秋天稻花白

如毡素腕慚新藕殘粧妬晚蓮沈仲昌云江南仲
秋天鱖鼻大如船雷似樟亭浪苔爲界石錢劉蕃
云江南季秋天栗熟大如拳楓葉紅霞岸蘆花白
浪天謝良輔云江南孟冬天荻穗軟如綿綠絹芭
蕉裂黃金橘柚懸呂渭云江南仲冬天紫蔗節如
鞭海將鹽作雪山用火耕田丘丹云江南季冬天
江蟹大如鱗湖水龍爲鏡鑪風氣作煙右唐詩紀
事所載蓋摘竒於諸作中爲聚錄於此江南之勝
槩亦備矣

宋姚鑪守章貢郡人趙東野題跨牛圖詩贈之曰騎牛
無笠又無蓑斷壠橫岡到處過煖日香風不常有

前村兩暗欲如何規之也後卒貶衡陽蘇州劉完
庵鉦爲僉事將致政有憲臣索題牧牛圖詩曰牧
子驅牛去若飛免教風雨濕蓑衣回頭笑指桃林
外多少牧牛人未歸憲臣亦感泣掛冠去

杜東原作耕餘錄有吊張士誠詩云天星夜落水犀軍
又見吳臺走鹿群睥睨金湯空自固倉皇珠玉竟
俱焚將軍只合田橫死國士嗟無豫讓聞風兩年
寒食節麥孟誰上大妃墳不載爲何人所作疑
當時有感於士誠者

蘇人劉草窓先生爲御醫時作鍾馗詩而匏庵吳文定
公在南雍時亦嘗賦之聲溢兩都今文定詩見集
中而草窓詩無聞矣予故識之以示知者劉詩云
長空糊雲夜風起不忿成群跳狂鬼倒提三尺黃
河水血洒蓮花舞秋水飛螢負火明月羞櫟窠影
黑帝鴝鵒綠袍烏帽逞行事磔腦剗腸天亦愁中
有巨妖誅未得盍駕颺輪驅霹靂如何袖手便忘
機回首東方又生白

占城使人入貢詩其初發云行盡河橋柳色邊片帆高
掛遠朝天未行先識歸心早應是燕山有杜鵑其
揚州對客云三月維揚富風景暫留佳客與同床
黃昏二十四橋月白髮三千餘丈霜玉句詩聞賢
太守紅蓮書寄好文章欲尋何遜舊東閣落盡梅

花空斷腸其江樓留別云青嶂俯樓樓遠人送客此

經過西風楊子江邊柳落葉不如離思多又嘗寓

蘇之天王堂欄前見蜀葵花問何名人給之以一

丈紅花即題云花於木槿渾相似葉比芙蓉只一

般五尺欄杆遮不盡獨留一半與人看

蘇人葛可久當元季時舉鄉薦後以醫名至今人稱其

神術多傳習之可久善射一日挽弓內傷命其子

以大黃四兩置諸劑中子損其半進之既愈察病

未盡除問其子知損去半嘆曰吾明年疾作當不

起矣及期果卒葛應雷者可久從姪也以名醫仕

元浙江醫學提舉金華黃縉為撰墓誌銘有云公

論醫當視時盛衰劉守真張子和輩值金人強盛

民悍氣剛故多用宣洩之法及其衰也兵革之餘

飢饉相仍民困志勞故張潔古李明之輩出多加

補益之功宋之季年醫者大抵務守護元氣而不

識攻伐之機能養病而不能治病失在不知通其

變也予嘗執此可以論治

吉水江頭繫客舟緬懷丞相舊風流堂堂大義勤王日

耿耿孤忠就死秋北伐自期終復漢東征誰謂竟

亡周一身獨任綱常責肯戴南冠學楚囚此弘治

間安南使過吉水吊文丞相詩也聞之黃布政衷

云

韓襄毅公雍招友人賞雪不至乃以詩促之云南征五
載不見雪今見江鄉臘雪飛老我不禁清興發故
人何事賞心違包含梅柳春無跡照耀乾坤夜有
輝預想來游須秉燭瓊瑤還襯馬蹄歸識者惟讀
後聯二句即可以知公之才力事功矣

予嘗得元僧雪岩外集畧記數語其題買田券云賣與
買人誰是主一犁春雨鷓鴣啼鑷工云一聲鑷子
噪秋蟬門內老僧驚晝眠毫髮盡時髦髮在夕陽
芳草自芊芊皆可人意

楊龜山廟祀在常州頃有豪家欲奪其地者郡守公行
香日題詩壁間豪家愧而寢焉詩曰瓣香覓路拜
龜山獨立斜陽未忍還廟貌儼如生氣在斷碑惟
見蘚苔班道傳伊洛名千古迹寄毘陵屋半間黃
鳥不知誰是主隔林猶自語間關

李義甫詠烏詩上林無限樹不借一枝棲唐太宗曰與
卿全樹何止一枝宋楊大年不與後苑曲宴詩蓬
萊咫尺無由到始信仙凡迥不同宋真宗聞之令
預曉宴此詩人之遇者也若戚幼文吹皺一池春
水之句見罪於中主李遠惟消一局碁之句孟浩
然不才明主棄之句見棄於宣玄又何詩之病人
也至於空梁落燕泥庭草無人隨意綠則貽禍殺
身而後已詩何爲哉

吳隱士陳完檢討繼子也嘗跋元僧覺隱詩卷謂覺隱
名文誠字道元浙人也與笑隱訴公天隱至公皆
以詩自豪相頡頏時號三隱覺隱睡起云花下拋
書枕石眠起來閑漱竹間泉小窓石鼎天猶煖殘
燼時飄一縷烟江亭秋晚云獨倚清江秋思長晚
潮初上水亭涼海門風起雙巒暝一抹銀花湧夕
陽又云藤枯摧老樹石裂礙深溪陰洞水聲合短
垣松影齊礪田知徑遠山迥覺梅低忽爾破孤寂
嶺猿清書啼

東坡云人老簪花不自羞花應羞上老人頭康節云花
見白頭人莫笑白頭人見好花多康節壯而東坡

怯

吳白樓先生少題赤壁圖詩云宋家學士愛風流赤壁
磯頭作勝遊明月在天天在水玉蕭吹徹露華秋
識者已占其爲翰林之具

喬冢宰字作賀人生子詩問時曉散龍墀後紀月春分
昴宿中蓋子以二月望日寅時也士林服其精細
爭傳誦之

江陰卞郎中榮嘉興姚御史綬皆一時詩人嘗集古句
聯老妓云天涯歸計欲如何記得雲間第一歌氣
力已無心尚在鬢毛白盡興還多池邊命酒憐風
雨洞口經春長薜蘿留得舊時殘錦在往來星騎

一相過

蘇郡守楊貢以民間多隱田於是爲丈量之法有投揚
守詩者曰量盡山田與水田只留蒼海與青天如
今郡有閑洲渚寄語沙鷗莫浪眠揚爲廢法

十友十二客宋魯端伯以十花爲十友各爲之詞茶蘼
韻友茉莉雅友瑞香殊友荷花浮友巖桂仙友海
棠名友菊花佳友芍藥艷友梅花清友梔子禪友
張敏叔以十二花爲十二客各詩一章牡丹賞客
梅清客菊壽客瑞香佳客丁香素客蘭幽客蓮靜
客茶蘼雅客桂仙客薔薇野客茉莉遠客芍藥近
客

有人題趙子昂胡馬圖曰寒馬肥時首宿枯奚官早已
着貂狐可憐松雪當年筆不識檀溪寫的盧

夏忠靖公原吉嘗得

賜古硯冬月僕炙冰破損甚恐公知召喻之曰受

賜不加愛惜吾之罪也遂釋之又嘗於驛中天甚寒驛

人偶焚隻襪公知笑曰隻襪何用不加責且以其

所遺者賜之又詠螭首詩後四句云昂昂飽歷風霜

古默默深承雨露滋寄語群飛諸燕雀好來相近

莫相疑人議公太和蓋性度寬大其言如此

清江張侍御公鐸以進士巡閩宣德初督銀場於寧德

崇學校禮師儒嘗堂試諸生作詩曰一鳥不鳴覺

舍幽東風簷外彩雲流
斲枚多士胸襟壯織錦何
人手段優應有長公當
避舍縱非釋子也低頭六
經仁義如周道分付諸
君莫浪求既試品高下優
獎賞士皆爭奮政暇與士
夫觴咏往來不計勢分
嘗拓學地築池架亭曰觀
瀾又連閣脩齋庶鑄銅
鍾鼎造祭器百度一新時
年甫二十四少年有為
寧人至今頌其功

徐芳谷字明善鄱陽人至正間任江西等處提舉嘗奉
使交趾國其王子陳日炫聞公善詩舉卮酒立召
索吟公遂口占云乘傳入南中雲章照海紅天邊
龍虎氣南徼馬牛風日月八荒燭車書萬里同丹

青父王會茅土祚無窮日炫遂約款奉貢公聲名
大振

程瑞饒人也詠梅詩云清淺溪橋水短長籬外枝這些
風骨異瘦盡古今詩此可以想見其清才峻節云
樂平彭福字綏之舉進士守泰州直道忤時歸家有故
舊新登進士第者歸饒綏之具酌邀之值微雨累
速不至綏之遺以詩云倘來名利若游塵何事痴
兒大認真咫尺泥塗行不得山陰雪夜是何人是
詩亦足以戒新郎君之輕狂

宋建炎三年洪忠宣公以行人充金國通問使至金被
執公不屈窘辱百端移太原遷雲中適冷山公節

愈礪嘗伺二帝起居有桃李栗麵之獻又密以康
王即位事聞後有金大臣悞室延公訓其子公亦
資館穀焉一日悟室壽旦使其子求公之詩為祝
公作詩云久持使節傍門庭薄命猶餘五鼎烹
乳幾時歸北海鴈書何日到京城莫言地廣頻
脩怨當念民勞早戢兵國寶善隣君寶信坐膺
難老見昇平雖在流離中畧無卑屈於此可見

餘干甘崖胡先生名彥初

國初人予嘗愛誦其詩如讀項羽傳云慷慨吳中始
避讐入關先奮五諸侯繡衣已失韓生說玉斗終
傷亞父謀漢業百年真主出楚歌半夜美人愁英

雄失道窮途哭亭長相期謾艤舟征婦吟云嗚咽
秦關隴水流征人何事不生愁孤燈絡緯重門夜
雙杵梧桐小院秋錦字題書封更懶金錢問卜語
還羞裁衣欲就憑誰寄胡鴈啼霜又過樓亦饒之
詩伯也

弘治間樂平有趙尹考滿還任邑中士夫皆趨逐之時
秦州守彭公福獨以詩投之云泊陽總駐使君標
本欲趨迎懶折腰莫恠野人疎禮節好從楊書說
陽喬人皆莫喻其意一日編脩程念齋見之笑曰
緩之譏我邑中人深矣盖用宓子賤事也考之劉
向說苑子賤為單父宰過於楊書曰子亦有以送

僕乎書曰諾吾少也賤不知治民之術有釣道二
焉請以送子子賤曰柰何書曰扱綸錯餌迎而吸
之者陽喬也其魚薄而不美若存若亡若不食者
斂也其爲魚也博而厚味子賤曰善未至單父冠
蓋迎之交接於道子賤曰車驅之車驅之夫揚晝
所謂陽喬者至矣陽喬不釣而來喻士之不招而
至者也於是至單父請其耆老尊賢者而與之共
治單父人亦占彭之介程之傳也

莆田林見素先生成化間以部署言計曉事謫姚安士
林偉之渡楊子江詩云親見

朝廷政令新小臣何事浪憂民一言雖忤

九重意萬死猶存七尺身沙畔白鷗閑待我鏡中華髮
苦催人十年楊子江三渡此日何勞更問津初貶
時有國子生用李時中贈唐子方韵送之八千里
外未爲遠三十名成始是難自信孤忠能報國誰
憐赤手可移山沙門有地黃金盡溝壑無田白骨
寒愧我布衣空引領

九重何日詔君還吾郡司空林竹田先生亦有贈同年
林見素歸莆詩云茫茫宦海鬪蛟鯨獨挽歸舟自
在行歷盡風濤幾回險悟來軒冕一毫輕富春江
上情無限黯淡灘頭夢不驚直到壺公山下路都
將心事付鷗盟

揚閣老士奇知陳司成敬宗南京考滿來京令子迎于
道分贈黃封一壺侑以詩云請詢陳司業。幾日出
南都。河上交冰未。江南下雪無。道途多跋涉。塵土
着些須。下馬須煎滌。呼兒送一壺。傳者為額聯有
相臣體且友誼之隆藹於詞表尤見前輩風致云
新安程篁墩名敏政禮部侍郎兼翰林學士弘治己未
會試主考被誣臺諫累劾公為舊宮僚有盛名屢
詔慰留之公懇辭解職章三上遂獲致政然感不平之
憤疾作而薨後京師有雪夜祈仙者公降筆云雪
夜因與東坡蘇子游聞有請降仙者予謫仙之流
也事之不偶殆有甚焉詩以記之詩云江山何日

許重來白骨青林事可衰吾黨莫言清夢遠海東
夜夜有蓬萊又曰紫閣功名近已休文章空自壓
儒流孤忠敢許懸天日浩氣還應射斗牛蘇子直
松遭毀謗社陵芳草喚窮愁乾坤不盡江流意回
首青山一故丘又詩云斯文今古不堪哀道學真
傳已作灰鴻鴈求高羅網合麒麟偶見信時猜迅
雷不啓金滕策紫電誰知武庫才此氣那同芳草
合渾淪來往共盈虧其辭氣超絕尤類平生所作
公博學負才氣故人多忌之後有人悼章云高官
博學可辭誣一疾長徂只悼嗟君子不知蠅有惡
小人寧信玉無瑕空恩浩浩湯除網帝極茫茫鬼

載車歸把餘文殉身塋看從地下發光華

少保大司馬錢塘于愍肅公謙景泰初監脩京城時見

石灰因而口占一絕云千槌萬鑿出深山大火坑

中鍊爾顏粉骨碎身皆不顧自留辛苦在人間後

公因主易儲慘致大禍此詩預為之讖也

邵人盛景允高初為御史有聲後奏事被謫為某處典

史未幾陞某處知縣所至皆有水山之勝為詩曰

性頗才疎官亦拙天然處處有青山銓司頗信為

知命一度遷移一度閑甚有怨而不怒之意

禮侍部齋林先生誌祖清避元不仕變姓名匿居山寺

會府公檢用寺中見清詰問且曰能詩乎曰頗能

即以用號八音命為詩應聲曰金紫何曾一掛懷

石田茆屋自天開絲竿釣月江頭住竹杖挑雲嶺

上來匏實曉收栽藥圃土花春長讀書臺革除一

點浮雲慮木筆題詩酒數杯府公驚羨遂與為友

政暇輒携酒過飲倡和移日一日忽論海濱人物

因曰若林清者椎才碩德惜未見其人林不覺有

感府公曰公殆林清耶林曰若清者公安得見之

此吾所以有感也相與盡醉而罷明日林竟去之

府公再往訪之不見多方物色終不見矣

三山鄭汝昂善詩且多滑稽嘗寄親戚令廣東者一絕

云三尺兒童事未諳饑來強扯我藍衫老妻牽住

輕輕語爹正脩書去嶺南可謂善曉人者

三山續紙解學士七歲時其母居孀苦於里胥催徵之
急解具訴於縣宰併系以詩曰母在家中守父憂
却教兒子訴原由他年諒有相逢日好把春風判
筆頭。邑宰意其假手於人即指堂邊小松為題令
再賦應聲曰小小青松未出欄枝枝葉耐霜寒如
今正好低頭看他日叅天仰面難。宰大奇之遂
蠲其稅

江右郭清狂題武昌竹簾門外一律云夜飲江樓水氣
涼管絃成列麝蘭香古今風月憑誰管湖海煙花
笑我狂金鳳劈瓜供酒渴瓦盆承露浣詩腸東樓

楊柳西樓月曾擲千金醉幾場翠館賦詠此殆絕
倡歎

父兄勞於官子弟逸於家一逸已過分况乃事奢華軒
軒傲閭里僕僕趨縣衙不知禍所倚方謂勢可誇
勢亦有時歇禍或來無涯不如慎德業庶幾永無
譁此張東海有感之作仕宦子弟宜書諸紳
弘治中有老儒以貢授校官翰林題白頭翁畫送之云
幽谷多年滯羽翰泮林今借一枝安世人莫笑頭
空白看盡春花雨後殘此詩頗有意致

僧無夢嘗在府畿村落中求化手持大木牌題詩二絕
曰心為車兮身為軾車動軾隨何意息交梨火棗

是誰無自是不為荆與棘身為客苦心為主主人
和平客安堵若還客主不康寧精神必定隨君去
正心養生之法不過如此可為終身誦之

棗花至小能成實桑葉雖粗解吐絲堪笑牡丹如斗大
不成一事又空枝此可以為華而不實秀而無用
之戒宋王文康公詩也公之事業可見矣

景佑中華州張源作絕句云太公年登八十餘文王一
見便同車如今若向江邊釣也被官中配看魚其
後元昊叛關中有長者六七年蓋源從之而不
知然則劇孟李左車樊若水輩有國家者皆欲收
羅之而留資外侮寧非深遠慮哉

馮道云窮達皆由命何勞發歎聲但知行好事莫要問
前程冬去冰須泮春來草自生請公觀此理天道
甚分明又曰但教方寸無諸惡狼虎叢中也立身
雖達者之言至於朝晉暮唐謂之行好事無諸惡
作未也

張文定公齊賢戒子曰慎言渾不畏忍事又何妨國法
須遵守人非莫舉揚無私仍克己直道更和光此
箇如端的天應降吉祥陽明王伯安先生教小兒
語云

衛輝名宦陳佑懷百泉云功名場上日奔忙北去南來
十五霜海嶽厚恩暫未報尊鱗佳興偶難忘一身

自覺妨賢路萬事宜收入醉鄉塵土滿纓思一濯
蘇門山下有滄浪

宋仁宗之仁愛厚澤及人難以言罄有人過昭陵詩云
農桑不擾歲華登邊將無功吏不能四十二年如
夢覺東風吹泪過昭陵

落星依遠戍斜月伴平林梁元帝句也故鄉一水隔風
烟兩岸通陳後主句也唐人高處始能及之見五

代新說

楚辭招魂一篇宋玉所作其辭豐蔚醲秀先驅枚馬而
走僵班揚千古之希聲也大招一篇景差所作體
製雖同而寒儉促迫力追而不及昭明文選獨取

招魂而遺大招有見哉朱子謂大招平淡醇古不
為詞人浮艷之態而近於儒者窮理之學蓋取其
尚三王尚賢士之語也

古人嘗以成語隲括作對偶若出於天成者如東坡吾
亦愛吾廬卿自用卿法愧無琴瑟旨酒樂我佳賓
所喜直諫多聞稱為益友宋頌曆詔惟曆象日月
星辰乃能成歲自侯甸男邦采衛欲要同文何以
報之青玉案我姑酌被黃金壘龔尹謝丞啓生民
以來未有盛於孔子天下之士豈復賢於周公張
安國自撫州移蘇謝表雖自西徂東周爰執事然
以小易大是誠何心王履謫居八桂作青詞萬里

江墳草木牛羊之踐履百年鄉社室家風雨之飄
搖張柳賀洪舍人廣廈細旃備唐虞之聖道珍屋
秘館冠臯伊之倫魁又雖進退必以其道然功烈
如此其卑宋人上已請啓云三月三日長安水邊
多麗人一觴一飲會稽山陰脩禊事良辰美景賞
心樂事四美難併崇岡峻嶺脩竹茂林群賢畢集
張敬夫荅教官啓識其大者豈誦說云乎哉何以
告之曰亦仁義而已矣近吳文定公爲何令却金
疏枉尺而直尋宜若可爲也辭十而受萬是爲欲
富乎管仲之器小哉周公之功大矣何許子之不
憚煩知虞公之不可諫

謝良齋作勸農詩云莫入州衙與縣衙

勸君勤理

作生涯池

塘多放旋添稅田地深耕足養家教子教孫須教
義栽桑栽柘勝栽花閑非閑事都休管渴飲清泉
困飲茶又云仕宦之人南州北縣商賈之人天涯
海岸爭如農夫六親對面夏絹新衣秋米白飯鵝
鴨成群豬羊滿圈官稅早輸逍遙散誕似此之人
值錢千萬氣象雍泰時不易逢若彼旱潦相仍飢
餓憔悴如聶夷中所云寧不惻然耶

人有殘繡敗素繪一山一水愛之若寶售之必千金至
於目與真景會則略不加喜母乃貴僞而賤真耶
求樂之真今日正在我輩春雪既霽春風亦和或

坐釣於鷗邊或行歌於犢外百年瞬息懽樂幾何
肴核盃盤隨意所命毋以豐約拘也檄書馳告盍
勇而前此文殊清新向予避兵雲間泗濱時其地
有林泉之勝而無烽燧之虞同時嘉遜者皆文人
高士因倣司馬溫公故事俾予作約語云百歲光
陰萬物乃天地逆旅四時行樂我輩亦風月主人
幸居同泗水之濱况地接九山之勝儘可傍花隨
柳庶幾游目騁懷節序鬢鬢莫負芒屨竹杖盃盤
草草何慚野蔌山肴雖云一餉之清懽亦是百年
之嘉話敢煩同志互作遨頭慨元祐之耆英衣冠
遠矣集求利之少長觴咏依然訂約旣勤踐言弗

替用附於此以見真率之會不讓遊山之樂也

陶九成云余家天台萬山中茅屋可以庇風雨石田可
以具饘粥雖行江海上而泉石草木之勝未嘗不
在夢寐時見也偶讀廬陵羅景綸大經所著鶴林
玉露有曰唐子西云山靜似太古日長如小年余
家深山之中每春夏之交蒼蘚盈階落花滿徑門
無剥啄松影參差禽聲上下午睡初足旋汲山泉
拾松枝煮茗茗啜之隨意讀周易國風左氏傳離
騷太史公書及陶杜詩韓蘇文數篇從容步山徑
撫松竹與麕犢共偃息於長林豐草間坐弄流泉
漱齒濯足旣歸竹窓下則山妻稚子作筍蕨供麥

飯欣然一飽弄筆窓間隨大小作數十字展所藏
法帖墨蹟畫卷縱觀之興到則吟小詩或草玉露
一兩段再烹茗一杯出步溪邊邂逅園翁溪友
問桑麻說秔稻量晴較雨探節數時相與劇談一
餉歸而倚杖柴門之下則夕陽在山紫綠萬數變
幻頃刻恍可人目牛背笛聲兩兩來歸而月印前
溪矣味子西此句可謂絕妙然識其妙者蓋少彼
牽黃臂蒼馳獵於聲利之場者但見滾滾馬頭塵
匆匆駒隙影耳鳥知其妙哉東坡所謂無事此靜
坐一日是兩日若活七十年便是百四十所得不
已多乎此羅君語也余蓋亦知此妙久矣風塵傾

洞豺虎咬人幾賦歸與之詩計無所得又未知何
日可以遂吾志掩卷三嘆易曰觀頤觀其自養也
康節詩云老年軀體素溫存安樂窩中別有春盡
道山翁拙於用也能康濟自家身此自養之旨也
善自養如鶴林斯可以佚老矣

天順間有周岐鳳者江陰人巧黠無與比身兼百技溺
意方術神怪變幻眩駭耳目而恣爲不肖之務故
人皆畏而遠之既死友人偶召箕周忽至運箕如
飛頃刻數百言其詩曰銀河斜斜星斗橫銅壺漏
滴將三更一天明月半輪小三山踞窅烟冥冥我
在三山樂樽酒人間故人淹病久須臾符命至三

山勞我安風速於走昨夜告神神不靈我爲故人
行不停靈方肘腋我還有故人何處勞心情追憶
當年曾會面安亭風月常相見我心不樂人不知
欲赴金臺奏金殿誰知天數竟淪亡吁嗟不得歸
故鄉今宵月夜秉明燭又說前生真可傷長記留
連在芸屋諸公相親伴幽獨從容交處二十年可
憐嬉戲成悲哭秋官與我且淡交出帑何嘗贈棺
木英豪壯氣死還存何事淒淒在鬼錄孤魂飄飄
無所依萬里山川人不歸夕陽芳草暮春候忍聽
杜宇花稍啼番思昔寓塗崧日一時念錯言難出
此時儂家太不仁言悖出兮亦悖入如今往事且

莫談水流花落月當三殷奚二公非常客風流儒
雅皆青衫雲間士龍何足數崑岡片玉可爲伍一
笑壇前識表儀未是相從論今古月明如此良夜
何作詩相贈君且歌君歌我詩不忍聽兩行清淚
空滂沱漢明芸屋陶良玉京都及今幾回祿宗範
舉人喜無事爲我傳言與親屬朗吟壇前夜欲闌
丹青寫與期平安菊莊老人此老病翻胃病實由
胃寒枇杷葉弓白豆蔻紫蘇子弓莫用繆良姜官
桂用夢瀕厚朴陳皮爲功奏半夏檳榔白茯苓沉
香丁皮皆用輕白芥藿香吐聖藥杵頭糠弓尋至
城三片生姜兩枚棗切切分明向君道人參乃是

佐使藥食前一服沉痾好土地顧公也是神君有
誠心莫負盟君心有誠祈必應縱然虛誕何須評
我欲歸兮笛三弄神仙假我脩真洞題詩今夜是
何人江湖散人周岐鳳

國初吳人戴文祥素閑道術嘗隱堯峰山塢建一草
樓荆垣竹扉聊以自適凡道流會集靡不招致一
日有二藍袍作訪文祥延之登樓出山家常具飲
食之酒罄一人曰吾有詩文祥速出紙筆書云雲
英英兮出山阜倏爲白衣忽蒼狗月皎皎兮照青
澄波光亂擊金蛇走浮雲飛盡或無踪明月西沉
還自有雲來月去本無期我與乾坤共長久書訖

又一人曰吾亦有詩以記此樓之勝書云姑蘇勝
景清且幽耀靈毓秀世莫侔比屋鱗接民居稠中
有飄緲之層樓朱簾高控珊瑚鈎芙蓉朵朵侵入
眸樓中老翁復何求醜顏華髮雲錦裘樓前疊石
成林丘左圖右史日校讐一塵不到風颼颼蓬萊
三山聊與儔四時行焉春復秋金風蕭爽暑氣收
海變桑田是盡頭蓬屋今添第一籌南極耿耿當
空浮華造羅列珍美羞望中嘉客總貴游錚錚環
珮鳴琳球葡萄酒泛黃金甌賓主相洽頗勸酌清
歌暢飲樂未休僊翁福慶殊悠悠書訖擲筆於地
遂行文祥疾覽之有耕父見二道前去一人吹鐵

笛一人撫掌而和忽不見矣

桃花仕女紹興上舍葛棠狂士也博學能文每下筆千
餘言未嘗就稿恒慕陶潛李白之爲人事輒效之
景泰辛未築一亭於圃扁其亭曰風月平分旦夕
浩歌縱酒以自適焉亭壁張一桃花仕女古畫棠
對之戲曰誠得是女捧觴豈吝千金夜飲半酣見
一美姬進曰父識上舍詞章之士日間重辱望念
茲特歌以侑觴棠略不計真僞曰吾欲一杯一詠
姬乃連誄百絕如云梳成鬆髻出簾遲折得桃花
三兩枝欲插上頭還住手遍從人問可相宜慙慙
歌枕捲紗衾玉腕斜籠一串金夢裡自家搔髮髮

索郎抽落鳳凰簪家住東吳白石磯門前流水浣
羅衣朝來繫着木蘭棹閑看鴛鴦作對飛一頭城
外是江灘灘上行舟多少難潮信有時還又至郎
舟一去幾時還潯陽南上不通潮却算遊程歲月
遙明月斷魂清靄靄玉人何處教吹簫山桃花開
紅更紅朝朝愁雨又愁風花開花謝難相見懊恨
無邊總是空已湖荷葉綠盈盈露重風多蕩漾輕
倒折荷枝絲不斷露珠易散似郎情芙蓉肌肉綠
雲鬟幾許幽情話欲難聞說春來倍惆悵莫教長
袖倚欄杆餘皆忘之矣棠沉醉而卧曉間視畫上
忽不見仕女少焉復在棠大異即碎裂之

遠志曰金言以卷之二
五十二
禱雨文景泰五年七月寧德旱甚邑民禱雨西山龍湫
疏文未善投之須臾別浮片紙取視之乃元至正
間禱雨文也其辭曰某等俯陳蟻悃仰瀆龍顏乞
鑒凡心願舒聖眼言念生居在世治本於農蒙天
地覆載之恩感雨露滋濡之德春耕夏耨敢辭塗
足之勤秋穫冬藏實切資身之望不期茲歲忽值
恒暘爰從九夏之初逮及三秋之始已經六旬不
雨忍見千里揚塵石燕停飛商羊絕舞致泉源之
既竭慨旱魃之爲凶知作孽自我蒸民故降災實
由上帝爰深脩省特致禱祈虔取某時恭詣龍湫
恪求聖水願施甘雨稍救枯苗伏願龍顏大悅賜

洎滴於金瓶龜圻全消霈霧沲於隴畝庸副實粟
之詠預占大有之祥垂佑我民迂續乃命云云衆
爲誦之須臾大雨如注

王恭襄公題晉溪別墅曰家山誰用買山錢竹塢當溪
亦勝緣菡萏池通蘋葉水垂楊門俯稻花田烟霞
拍塞藏詩橐鷗鷺將迎載酒舡我已得歸寧更出
北庭休勒草堂篇崇福田莊曰小雨纔收煖更晴
筍輿輕度碧沙平塍間有地皆流水寺外無山不
遶城蒲茁炊香晨饌美藤枝敷影午樽清會須盡
滌京塵澁更待他年結攬成

佳節每從愁裡過壯心偶傍醉中來蘇老泉詩也

閉門客到常疑病滿院花開不似貧

潘留崔詩

混沌以來惟此老乾坤之外更無山

莊定山詩

開闢以來元有此蓬萊之外更無山

獨呼明月長陪醉不負青天早放閑司馬聖門聯

春風浪苑三千客明月揚州第一樓趙子昂題迎月樓

聯

雲日明松雪溪山進晚風入行圖畫裏鳥度醉吟中

勸君更盡一杯酒與尔同消萬古愁

雨意欲晴山鳥樂寒聲初到井梧知


架有春風筆門無暮夜金

野塘春水慢花塢夕陽遲

木葉下時秋已半野禽啼處月初生

潮逢谷水難興浪月到雲間便不明

古有此語



蓬窓日錄卷之八終

蓬窓日錄自序

陳全之曰余自庚子觀光上國晨途
 夕舟風江雨湖歷觀時事遍窺陳迹
 凡得見聞雅喜抄錄或搜之遺編斷
 簡或採之往行前言上至
 聖神帝王吟咏下至闕闕問里碎言近
 而衽席晤談遠而裔戎限界歲積月
 盛篇盈帙滿不覺瑣屑涉乎繁蕪辛

遠定日...
亥官南宮剛其稿庚申轉蘆滄重訂
之釐爲八卷曰寰宇曰世務曰事紀
曰詩談題曰蓬窓日錄錄之云者日
漫述之而已不能與也自資攷閱畧
比稗史旣而憮然曰此糟粕耳於心
身果何益噫吾過矣哉叅藩晉陽携
以自隨甲子夏五巡歷三關至寧武
出此以證邊徼若有符合吳君節推

見而讀之乙丑仲春來告云祁尹岳
木已斂于梓不肖業已乞言于
後菴朱先生序之矣余憮然曰吾方
以無益心身爲懼而子乃加災于木
噫吾之過何以自改哉

嘉靖乙丑秋八月望後一日閩中陳
全之書于文水之紫薇行臺

太原府推官吳一琴

